

名胃募在心下四寸○結氣囊裏針筭所不及  
灸育募隨年壯育募二穴從乳頭即度至臍  
中屈去半從乳下行度頭是穴

下氣灸肺輸百壯又灸太衝五十壯

凡臍下絞痛流入陰中發作無時此冷氣灸

關元百壯穴在臍下三寸

短氣不得語灸天井百壯穴在肘後兩筋間

○又灸大椎隨年壯○又灸肺輸百壯○又

灸肝輸百壯○又灸尺澤百壯○又灸小指

第四指間交脉上七壯○又灸手十指頭合

十壯○少年考多短氣灸鳩尾頭五十壯○

又鹽灸臍孔中二十七壯

之氣灸第五椎下隨年壯

論曰凡卒厥逆上氣氣攻兩脇心下痛滿奄

奄欲絕此為奔耗氣即急作湯以浸兩手足

數數易之

奔耗灸氣海百壯穴在臍下一寸半○又灸

關元百壯穴在臍下三寸○奔耗灸期門百

壯穴直兩乳下第二脇端傍一寸五分

奔耗腹腫灸章門百壯章門一名長平二穴

在大橫外直臍季脇端○奔耗捨心不得息  
灸中極五十壯中極一名玉泉在臍下四寸  
奔耗上下腹中與腰相引痛灸中府百壯穴  
在乳上三肋間○奔耗上下灸四滿二十七壯  
穴俠丹田兩傍相去三寸即心下八寸臍下  
橫文是也

孫真人備急千金要方卷之五十五



孫真人備急千金要方卷之五十六 規六

宋明本即守太常少卿孫君林世等整

肺臟方

肺痿第六論方

論曰寸口脉數其人病欬口中反有濁唾涎  
沫出何也師曰此為肺痿之病何從得之師  
曰病熱在上焦因欬為肺痿或從汗出或從  
嘔吐或從消渴小便利數或從便難數被駛  
藥下重亡津液故得肺痿又寸口脉不出而  
反發太陽脉早索陰脉不澀三焦踈入而  
不出陰脉不澀身體反冷其內反煩多唾唇  
燥小便反難此為肺痿傷於津液便如爛瓜  
下如豚腦但坐發汗故也其病欬欬不得欬  
欬出乾沫久久小便不利其脉平弱肺痿吐  
涎沫而不欬者其人不渴必遺溺小便數所  
以然者上虛不能制下故也此為肺中冷必  
眩師曰肺痿欬唾咽燥欲飲者自愈自張口  
者短氣也  
甘草乾薑湯温臟治肺痿多涎唾小便數肺  
中冷必眩不渴不欬若渴者為上虛下不能

制渡服此湯已小溫覆之方

甘草兩四 乾薑二兩 藥時後 有大棗十二枚

右二味以咀以水三升煮取一升半去滓

分二服

甘草湯治肺痿涎唾多出血心中溫溫液液

方千金翼名  
溫液湯

甘草三兩以咀以水三升煮取一升半

去滓分三服

生薑甘草湯治肺痿欬唾涎沫不止咽燥而

渴方

生薑兩五 甘草兩四 人參兩三

大棗枚十二

右四味以咀以水七升煮取三升去滓分

三服

桂枝皂莢湯治肺痿吐涎沫不止方去芍藥 加皂莢

桂枝兩六 生薑各三 甘草兩二

皂莢兩一 大棗枚十五

右五味以咀以水七升煮取三升去滓分

三服

麻黃湯治肺脹欬而上氣咽燥而喘脉浮者

心下有水方

麻黃 芍藥 生薑仲景用 乾薑

細辛 桂心各三 半夏

五味子各半 石膏兩四

右八味以咀以水一斗煮取三升分三服

仲景名此為小青龍加石 青湯用甘草三兩為九味

肺癰第七方

論曰病欬唾膿血其脉數實者為肺癰虛者

屬肺痿欬而口中自有津液舌上胎滑此為

浮寒非肺痿若口中辟辟燥欬即胸中隱隱

痛脉反滑數此為肺癰也問曰病者欬逆師

脉之何以知為肺癰當有膿血吐之則死後

竟吐膿死其脉何類何以別之師曰寸口肺

微而數微則為風數則為熱微則汗出數則

惡寒風中於衛呼氣不入熱過於榮吸而不

出風傷皮毛熱傷血肺風舍於肺其人則欬

口乾喘滿咽燥不渴多唾濁沫時時振寒熱

之所過血為凝滯蓄結癰膿吐如米粥始萌

可成膿已成則難治寸口脉數跌陽脉緊寒

熱相搏故振寒而欬跌陽脉浮緩胃氣如經

此為肺癰師曰振寒發熱寸口脉滑而數其

人飲食起居如故此為癰腫病醫反不知而

以傷寒治之不應愈也何以知有膿膿之所

在何以別知其處師曰假令膿在胸中者為

肺癰其脉數欬唾有膿血設膿未成其脉自

緊數緊去但數膿為已成也

桔梗湯治欬胸中滿而振寒脉數咽乾而不

渴時時出濁唾腥臭久久吐膿如稷米粥是

為肺癰者方

桔梗三兩 集驗用二兩 古今錄驗用一兩 甘草兩二

右二味以咀以水三升煮取一升去滓分

二服必吐膿血也一方有款冬 花一兩半

瀉肺湯治肺癰喘不得卧方

葶藶三兩 為末 大棗二十枚

右二味先以水三升煮棗取一升去棗內

藥一棗大煎取七合頓服令盡三日服一

劑可至三四劑治肺癰胸膈脹一身面目

浮腫鼻塞清涕出不聞香臭欬逆上氣喘

鳴迫塞未進此方宜先服小青龍湯却服

前藥其青龍湯方在十八卷

黃昏湯治欬有微熱煩滿胸心甲錯是為肺癰者方

黃昏手掌大一片是合昏皮也吐咀以水三升麥取一升分二服

又方

薏苡仁半升 瓜瓣半升 桃仁五十枚

葶藶切二升水二升 煎取五升去滓

右四味吐咀內葶藶汁中煮取二升服一升當有所見吐膿血

飛尸鬼疰第八方論方

論曰凡諸心腹痛服眾方熱藥入腹寂然不動但益氣息急者此尸疰病也宜先服甘草汁一升消息少時服羅麥湯盡一劑得下便覺稍寬并暴癥堅結宿食及女人血堅痛發作無定者神良

五疰湯治卒中賊風透尸鬼邪心腹刺痛大脹急方

大黃 甘草各三兩 當歸  
芍藥各二兩 烏頭十枚 生薑  
蜜各一兩 桂心兩

右八味吐咀別漬大黃以水九升煮取三升烏頭別內蜜中煎令得一升拌湯中去滓分服三合如人行三十里久更進一服日三不止加至四合

蜈蚣湯治惡疰邪氣往來心痛徹背或走入皮膚移動不定苦熱四肢煩疼羸乏短氣方

蜈蚣一枚 牛黃一分 大黃二兩  
丹砂 人參各三分 細辛

鬼臼 當歸 桂心 麝香各半兩

附子一枚 乾薑一兩 黃芩 麝香各半兩

右十三味吐咀以水一斗煮取三升去滓下牛黃麝香末分三服治卒中惡賊風寒冷入腹便絞痛或飛尸遁尸發作無時搶心胸滿脇痛如刀刺口噤者方

甘草 乾薑 茯苓  
乾地黃 羊脂 當歸  
細辛各一兩 芍藥 吳茱萸  
桂心各二兩 梔子仁十枚

右十一味吐咀以水八升煮取三升去滓內脂燂盡分三服欲利者加大黃三兩治卒中惡風角弓反張或飛尸遁尸心腹絞痛者方

乾地黃 茯苓 芍藥

當歸 甘草各一兩 吳茱萸

桂心 乾薑 芍藥各二兩

右十味吐咀以水八升煮取三升分三服痛甚者加羊脂三兩當歸人參芍藥各一兩

兩心腹堅急加大黃三兩

桃皮湯治中惡氣心腹痛胸脇脹滿短氣方

桃白皮一握末 真珠  
附子一枚 梔子仁十四枚 當歸三兩  
吳茱萸 豉各五合 桂心二兩

右八味吐咀以水五升煮取二升去滓內真珠末分作二服一方無當歸以下四味

桃奴湯治中惡諸尸蠱疰心腹卒絞痛方  
桃奴 當歸 人參  
乾薑各二兩 芍藥 甘草各三兩

丹砂

麝香

茯苓

犀角

鬼箭羽

桂心各一兩

右十二味咬咀以水九升煮取二升半去滓分二服未食服大便不通腹滿者加大黃三兩芒消二兩兩朝合有碎黃一兩無丹功苦節

治卒中風寒冷溫氣入腹虛脹急滿搶心胸脇文痛氣息不通脉弦緊汗不出及得傷寒方

吳茱萸

當歸

麻黃

獨活

甘草

桔梗

茯苓各二兩

桂心

青木香

石膏

大黃

犀角各三兩

右十一味咬咀以水九升煮取三升分三服日三

治風冷氣入腹忽絞痛緊急如吹大小便閉小腹有氣結如斗大脹滿起其脉弦老者沉運方

瞿麥

當歸

茯苓

鬼箭羽

桔梗

防己

海藻

吳茱萸

芎藭各二兩

桂心

大黃各二兩

犀角二兩

右十一味咬咀以水九升煮取三升分三服

治諸雜症相連續死亦治三十年衆症方

桃根白皮一斤咬咀以水二斗煮取一斗去滓分八九服須令二日服盡根白皮治症在心腹痛不可忍者

又方檮桃仁二十七枚研酒服又方小芥子末雞子白和傳尸症鬼症者即五尸之中尸症又狹諸鬼邪為害者也其變動乃有三十六種至九十九種大略令人寒熱淋瀝沉沈黯黯不的知其苦而無處不惡累年積月漸就頓滯以至於死死後復症易傷人乃至滅門覺如此候者宜急療之方

瀨肝一具陰乾治下篩水服一方寸匕日三如一具不瘥更作

小附著陽治飛尸賊風發時急痛不在一處針則移發一日半日乃瘥須臾復發者方

細辛 甘草一作莽草 天雄各一分

桂心一分

附子

烏頭

乾薑各一分

雄黃

真珠各半兩

右九味治下篩酒服方寸匕不知稍增以知為度胡洽有蜀椒四分不用桂心附子

大附著散治五尸症竹與前狀同者方

黃芩

由跋

椒目

細辛

雄黃

乾薑

黃連各一分

金牙

犀角

麝香

牛黃各一分

天雄

桂心各半兩

真珠三分

蜈蚣一枚

右十五味治下篩酒服一錢七日三以知為度

大金牙散治一切症病方見別卷中

金牙散治鬼症風邪語尸症或在腰脊胸脇流無常處不喜見人志意不定面脫色目赤鼻張唇乾甲黃者方

赤鼻張唇乾甲黃者方

金牙

雄黃

鐵精

野葛

露蜂房

芎藭

大黃

甘草

曾青

蛇蛻皮

真珠

丹砂

乾漆各一 石長生  
 狸骨一作骨 桔梗 鬼臼  
 鬼箭羽 鬼督郵 椒目  
 烏頭 狼毒 蕪荑  
 藜蘆 雷丸 鼈甲  
 滑石各二分 毒公 胡燕屎  
 牛黃各三分 人參 狼牙  
 寒水石 桂心 石膏各五分  
 蜈蚣 蝮蟻 附子一枚  
 徐長卿 斑蝥各十枚 貝母二枚  
 右四十五味治下篩先食以酒服一斗圭  
 日再不知漸加之蟲隨大小便出此名金牙  
 白朮散治風入臟腑悶絕常自躁痛或風症  
 入身冷症鬼疰飛尸惡氣腫起或左或右或  
 前或後或內或外針灸流移無有常處驚悸  
 腹脹氣滿心頭痛或恍惚悲懼不能飲食或  
 進或退陰下濕痿或大便有血小便赤黃房  
 中勞極方

白朮枚十 附子 秦艽  
 人參 牡蠣 蜀椒  
 細辛 黃芩 芎藭  
 牛膝各三分 乾薑 桂心  
 方風各五分 茯苓 桔梗  
 當歸 獨活 柴胡各四分  
 烏頭 甘草 麻黃  
 石南 蒼草 枯蕒根  
 天雄 杜仲各二分  
 右二十六味治下篩平旦酒服五分匕訖  
 如人行七里久勢欲解更飲酒五合為佳  
 太乙備急散治卒中惡客忤五尸入腹鬼刺  
 鬼疰及中蠱疰吐血下血及心腹卒痛腹滿  
 傷寒熱毒病六七日方  
 雄黃 桂心 芫花各一分  
 丹砂 蜀椒各一分 藜蘆  
 巴豆各一分 野葛三分 附子一分  
 右九味巴豆別治如脂餘合治下篩以巴  
 豆合和更搗合和調置銅器中密貯之勿  
 泄有急疾水服錢五七可加至半錢匕老

小半之病在頭當鼻衄在膈上吐在膈下  
 利在四肢當汗出此之所為如湯沃雪手  
 下皆愈方宜秘之非賢不傳  
 龍牙散治百疰邪鬼飛尸萬病方  
 龍牙 茯苓各二分 雄黃  
 棗膏 芍藥各五分 乾地黄  
 石斛 胡燕屎各三分 鬼箭羽  
 烏頭 羌活 露蜂房  
 曾青 真珠 桂心  
 杏仁 防風 桃奴  
 鬼臼 鵝骨各一分 人參  
 大黃各一分 白朮二分 蘇子四分  
 銅鏡鼻 甘草 橘皮  
 芎藭 鬼督郵 遠志  
 龍甲各半 狸陰共二枚 蜈蚣一枚  
 右三十三味治下篩酒服一斗圭以知為  
 度當有蟲從大便出  
 疰蠱疰毒氣變化無常者方  
 犀角 麝香 丹砂  
 雄黃 蜈蚣 鮫魚皮

丁香 鹿角 龍骨  
藜荷根 蜀椒 乾薑各一分

貝子一枚  
右十三味治下篩酒服方寸匕加至二匕  
日三

備急散治卒中惡風氣忤迷絕不知人方見  
三味備  
急丸是

治暴心痛面無顏色欲死者方

以布裏鹽如彈丸大燒令赤置酒中消  
服之利即愈

治蠱疰方

燒猫兒屎灰水服之用神  
藥見

墨奴散治卒得惡疰腹脹方

釜下墨各一分 鹽各二分

右二味合治以水一升半煮取八合一服

今盡須更吐下即瘥

治哭疰方

梳齒間刮取垢水服之

又方

亂髮兩一 臘月猪脂各一分

右二味取猪脂煎髮令消燂服之蟲死矣  
又方煮大豆帛裏熨之

治一切病食疰方凡食上得病  
名為食疰  
取釜下土雞子大為末酢泔清一升和  
服之行五十步吐即瘥

又方選取本食種數多少相似各少許和合  
布裏燒灰如杏人大水服之

鶴骨圓治遁尸飛尸積聚胃痛違背走無常  
處或在臟或腫在腹或奄奄然而痛者方

鶴骨寸三 丹砂一作  
丹參 牡蠣一作  
牡丹

雄黃 莽草各四分 藜蘆

桂心 野葛各二分 斑猫

羌青各十分 巴豆各四分 蜈蚣一枚

右十二味為末蜜丸如小豆每服二九日  
三以知為度

蜥蜴圓治癩堅水腫飛尸遁尸寒尸喪尸尸

瘕骨血相注惡氣鬼忤疰毒邪氣往來夢寤

存亡流飲結積虎狼所醫潮火所咋鳩毒入

人五臟服藥以殺其毒毒即消婦人邪氣鬼

忤亦能遣之方與種  
藥同

蜥蜴 蜈蚣各二枚 蟲蟲

杏仁各三枚 地膽五枚 廣蟲四十枚  
朴消 巴豆各七枚 澤漆  
鬼督郵 桑赤雞 桃奴  
犀角各二枚 乾薑四分 虎骨六分

甘草兩一分 芍藥 甘遂各五分  
欽冬花三分 蛻螻十枚

右二十味別治巴豆杏仁如膏內諸藥末  
研調下蜜搗二萬杵丸如麻子大食前服  
三九日一不下加之不取吐下者一九旦

服有人風冷疰癩堅二十年得愈

桔梗圓治毒疰鬼疰食疰冷疰瘰飲宿食不

消酒癩諸病方

桔梗 藜蘆 皂莢

巴豆 附子各二兩

右五味為末蜜和搗萬杵丸如梧子宿不

食平旦飲服二九仰卧服勿眠至食時膈

上吐膈下下去惡物如科斗蝦蟇子或長

一二尺下後當大虛口乾可作雞羹飲五

合大極飲食粥一升三四日病未盡更服

忌如藥法

十疰圓治十種疰氣疰勞疰鬼疰冷疰生人疰死人疰尸疰食疰水疰土疰等方

- 雄黃 巴豆各二 人參
- 甘草 麥門冬 細辛一作

- 桔梗 附子 皂莢

右十味末蜜丸如梧子空腹服五九日再稍加以知為度

太乙神明陷水圓治諸病破積聚心下支滿寒熱鬼疰長病欬逆唾意辟除眾惡鬼逐邪氣鬼擊客忤中惡胃中結氣咽中閉塞有進有退繞臍絞痛惻惻隨上下按之挑手心中愠愠如有蟲狀毒疰相滌甚至滅門者方

- 雄黃 桂心 丹砂
- 礬石一作礬石 藜蘆 大黃各二
- 元青各五 真珠 附子各一
- 麝香 人參 犀角
- 鬼臼 射罔 牛黃各一
- 蜈蚣 蜥蜴各一 烏頭各八

- 杏仁三十枚 斑蝥 樗雞

- 地膽各七 當歸三 巴豆分一

右二十四味為末蜜和持三萬杵丸如小豆先食服二九日晡不止稍增以藥二九著門上令眾邪不近傷寒服之無不愈若至病家及視病人夜行獨宿服二九眾邪不能近也胡洽無元青桂心真珠麝香人參犀角烏頭射罔蜥蜴蜈蚣牛黃當歸只十二味與積聚重

江南度世圓治萬病結積聚伏尸長病寒熱疰氣流行皮中久病著淋肌肉消盡四肢煩熱嘔逆不食傷寒時氣惡疰江出口噤不開心痛方

- 蜀椒三 人參 細辛
  - 甘草各二 茯苓正 真珠
  - 大黃 乾薑 丹砂
  - 野葛 桂心 雄黃
  - 麝香 鬼臼各一 烏頭
  - 牛黃分二 附子 紫苑各六
  - 巴豆六十 蜈蚣一枚
- 右二十味為末蜜丸如小豆飲服二九加

至四九日二加獺肝一具尤良大度世圓治萬病與前狀同者方

- 牛黃 大黃 雄黃
- 細辛 附子 真珠
- 甘草 人參 射罔

- 丹砂 鬼臼 莽草各一
- 蜀椒 麝香 鬼箭羽
- 茯苓 桂心 紫苑各二
- 乾薑三 野葛尺一 蜥蜴
- 蜈蚣各一 地膽五十 元青二十
- 樗雞三十 巴豆仁八十

右二十六味為末蜜丸如小豆飲服二九日二先食服之治疰病相滌易及世亂中惡小兒客忤長病方

- 獺肝具一 蜈蚣一枚 麝香分一
  - 雄黃 莽草 丹砂
  - 鬼臼 犀角 巴豆
  - 大黃 牛黃各一
- 右十一味末蜜丸如麻子空腹服二九至

三九以止為度

雷氏千金圓治行諸氣宿食不消飲食中惡心腹痛如刺及瘡方

消石分五 大黃分五 桂心

乾薑兩二 已豆仁枚六十

右五味為末搗三千杵蜜丸如大豆服二九神驗無比已死者拆齒灌之

治卒得尸疰毒痛往來方

杏仁亂髮灰分各等

右二味研如脂丸如梧子每服酒下三九

日三姚氏猪膏和丸

治遁尸尸疰心腹刺痛不可忍方

桂心 乾薑兩一 已豆仁兩二

右三味治下篩以上酢和如泥傅病上乾即易之

治遁尸尸疰心腹及身有痛處不得近者方

取艾小接令碎著痛上厚一寸餘執湯和灰令強熱置艾上冷即易不過二三度瘥

治遁尸飛尸又治暴風毒腫流入四肢頭面

方

白芥子一升蒸熟搗以黃丹二兩攪和分作兩分用疎布袋盛更蒸使熱以薄痛上當更迭蒸袋常使熱薄之如此三五度即定

治人皮膚中痛名曰癩疰方

醋和燕窠土傅之

治走疰方

燒車缸令熱暫入水以濕布裹發病上

治三十年氣疰方

豉心并 生椒合

右二味以水二升煮取半升適寒溫用竹筒縮取汁令病者側卧手摩大乳射灌之少時當出惡物此法垂死悉治得瘥百十不可具說

灸法

凡五尸者飛尸遁尸風尸沉尸尸疰也今皆取一方兼治之其狀腹痛脹急不得氣息上衝心胃傍攻兩脇或紫塊踊起或手足引腰背治之之法灸乳後三寸男左女右可二十七壯

不止者多其壯數取愈止○又灸兩手大母

指頭各七壯○又灸心下三寸十壯○又灸

乳下一寸隨痛左右多其壯數○又以細繩

量患人兩乳頭內即裁斷中屈之又從乳頭

向外量使當助鐮於繩頭灸三壯或七壯男

左女右卒疰忤攻心胃灸第七椎隨年壯○

又灸心下一寸三壯○又灸手肘文隨年壯

一切病食疰灸手小指頭隨年壯男左女右

五毒疰不能飲食百病灸心下三寸胃管十

壯

水疰口中經云肺來乘腎食後吐水灸肺輸

○又灸三陰交○又灸期門穴在乳下二肋

間瀉肺補腎也各隨年壯一切疰無新久先

仰卧灸兩乳邊邪下三寸第三肋間隨年壯

可至三百壯又治諸氣神良一名在市

孫真人備急千金要方卷之五十六